

Surat 2025

Berharap melebihi segala harapan

Mendengar luahan orang muda di Taizé dan di tempat lain¹, ramai yang kian menghadapi hakikat kehidupan seharian yang pahit, saya bertanya kepada diri sendiri bagaimanakah mereka ini mencari kekuatan untuk meneruskan kehidupan mereka. Persoalan ini menjadi lebih mendesak apabila mereka hidup di zon perang.

Dari manakah datangnya, semangat yang tidak putus asa serta ketabahan dalam situasi yang mustahil ditangani? Semakin saya mendengar, ianya menjadi jelas kepada saya, bahawa kepercayaan kepada Tuhan membolehkan orang yang beriman untuk memupuk harapan. Melalui Kebangkitan Yesus, bertumbuhnya kepastian bahawa kematian tidak akan mempunyai kenyataan terakhir. Kepercayaan dalam Kebangkitan memberi harapan bahawa kelelahan hidup bukanlah titik terakhir. Kita dipanggil untuk sesuatu yang lebih tinggi. Inilah harapan yang orang muda ingin berkongsi dengan saya, harapan yang melampaui segala harapan kerana ianya bergantung kepada kehidupan baru untuk muncul apabila kesemuanya kelihatan hilang².

Maria bernyanyi dalam teriakan pujian dan pengharapannya: “Dengan tangan-Nya yang berkuasa, Tuhan menceraikan mereka yang sombong. Tuhan menurunkan raja dari takhta lalu meninggikan orang hina. Tuhan memuaskan orang lapar dengan segala yang baik. Tetapi orang kaya diusir-Nya sehingga pergi berhampa tangan” (Lukas 1:51-53). Ya, marilah kita berani menyanyi bersama dia dan berdoa agar keadaan berubah. Walaupun Tuhan kelihatan senyap, sesuatu laluan mungkin terbuka secara tiba-tiba³.

Pada masa yang sama, marilah kita melakukan apa yang kita boleh, walaupun ia mungkin kelihatan sedikit sahaja kita boleh menyatakan tanda solidariti dengan orang yang dalam kesusahan di sekeliling kita, atau yang terperangkap di dalam peperangan atau terpaksa meninggalkan negara mereka. Bukankah ini yang membolehkan kita berharap melebihi segala harapan?

Renungan yang berikutnya adalah sebahagian besarnya hasil dari pertemuan serta perbualan dengan orang muda yang tinggal di negara-negara yang dalam peperangan atau zon-zon yang berkonflik sepanjang tahun lepas. Saya amat berterima kasih kepada mereka yang berkongsi pengalaman dan pemikiran mereka dan juga kepada saudara-saudara yang termuda kami di mana nasihat mereka yang teliti telah mengatur segala-galanya secara tersusun.

Keberanian untuk berharap

Apabila kita rindu untuk percaya pada kasih Tuhan, apa yang kita lihat dan rasa di sekeliling kita selalunya seolah-olah bercanggah dengan kasih itu. Kami tersangkut antara apa yang sudah diberikan dengan apa yang akan datang. Ruang ini selalunya tidak selesai. Tetapi apabila ia terbuka ke arah harapan untuk dipenuhi⁴, maka sesuatu dibebaskan dalam diri kita.

Harapan memerlukan kesabaran. "Kita mengharapkan sesuatu yang tidak dapat kita lihat" (Roma 8:25), kata Rasul Paulus. Menoleh ke arah apa yang akan datang dalam kepenuhan masa Tuhan, tetapi juga berkesusahan dengan "percanggahan di dalam serta ketakutan di luar diri" (2 Korintus 7:5), adakah kita berani untuk memegang diri kita dalam ruang itu dan bukannya melarikan diri dari ruang itu?

"Berharap terhadap segala harapan, Abraham percaya" (Roma 4:18). Abraham sebagai nenek moyang kepada sangat ramai orang beriman, berpegang teguh pada janji Tuhan jauh melebihi harapan yang munasabah. Dia dan isterinya Sarah menerima apa yang kelihatan mustahil bagi mereka.

Pada ketika negaranya dimusnahkan oleh peperangan dan penduduk terancam oleh pembuangan dari negara, dan walaupun dia sendiri berada di dalam penjara, nabi Yeremia membuat pelaburan untuk masa hadapan: dia membeli sebuah ladang, dia begitu yakin bahawa Allah tidak akan meninggalkan orang miliknya (Yeremia 32:6-15).

Tindakan yang penuh berharapan begitu menakjubkan menjadikan iman lebih nyata. Ia adalah kepercayaan yang teguh pada apa yang belum kelihatan dan bahkan tidak pasti. Bolehkah kita berpegang pada harapan yang sebegini? Inilah secara muktamadnya yang membuka semula sumber kegembiraan⁵. Walaupun dalam situasi manusia yang paling rumit, apa yang kita tidak pernah berani berharap boleh menjadi kenyataan.

Inisiatif-inisiatif harapan⁶ yang luar biasa kini muncul dikalangan orang ramai dari negara di mana peperangan telah mendatangkan malapetaka.

Mendengar kepada orang yang berharap

Untuk membantu kita lebih memahami maksud harapan, kita perlu mendengar kepada orang yang hidup dalam penderitaan serta keganasan. Bukankah melalui suara mereka yang Tuhan akan memimpin kita?

Semasa lawatan saya ke Ukraine bersama dua orang saudara saya, pemimpin sebuah gereja memberitahu kami: "Doa membuka suatu ruang yang membolehkan penyembuhan". Saya amat tersentuh dengan tegurannya. Sentiasa berhadapan dengan derita umatnya, dia

melihat bahawa orang yang beriman dalam kehidupan batin mereka boleh tetap terbuka untuk menyambut apa yang baru.

Ini adalah satu proses yang tidak semestinya menghasilkan keputusan dengan serta-merta, tetapi yang, mungkin disertai dengan cara lain, proses ini membuka pintu untuk mengatasi kesakitan dan kesedihan, dan membangkitkan harapan manusia sejagat disembuh. Doa memberi kekuatan untuk berdiri teguh bila berdepan dengan situasi yang paling kompleks⁷. Ia memecahkan gelombang putus asa apabila kegelapan seolah-olah menyelubungi segala-galanya.

Seorang wanita Palestin yang tinggal di Perancis, manakala keluarganya berada di Gaza, menulis kepada kami: "Cinta yang mendukung orang yang terluka, yang rapuh, memberi kekuatan baru. Ia membuatkan saya terfikir tentang lelaki lumpuh⁸ di dalam Injil, yang dibawa oleh kawan-kawannya serta iman mereka. Doa juga satu cara menentang, dan itu penting bagi saya. Tetapi saya manusia: selepas dimaklum kematian dua ahli keluarga saya, kemarahan mengatasi saya, saya menjerit, saya menangis.... Apabila saya sedar, saya tahu bahawa Tuhan hadir di dalam penderitaan dan keputusan, dan Tuhan yang mendukung kita."

Pada musim panas ini, semasa melawat Taizé, dia berkata: "Setiap pagi, saya berdoa untuk mendapatkan kekuatan untuk mencintai daripada membenci." Kata-kata dia adalah seperti lampu di jalan raya.

Seorang wanita muda dari negara Asia yang dimusnahkan oleh perang memberitahu saya: "Orang kita amat terkesan tetapi mendapat keselesaan dalam Injil. Berapa kerapkah umat Tuhan perlu melarikan diri dari keadaan sukar? Namun, masyarakat dicipta tidak kira betapa sukarnya keadaan. Tuhan mungkin ada rancangan yang lebih besar untuk kita, tetapi kita mesti mengambil satu hari pada satu masa. Keupayaan menjalani hidup pada hari ini adalah satu anugerah dan tanda bahawa kehidupan wujud untuk dihayati sepenuhnya. Dalam doa, terdapat sumber kedamaian yang membolehkan kita untuk menggalakkan satu sama lain, mencari makna dalam perkongsian dan perpaduan."

Dari Lubnan, saya mendengar kata-kata ini: "Ibu saya adalah saksi untuk harapan. Walaupun dia telah melalui segalanya, dia sentiasa tetap kekal. Oleh kerana dialah, pada hari ini saya wujud sebagai saya. Dia mengajar kami bagaimana beriman kepada Allah dan berdoa. Setiap orang yang hidup dari kepercayaan mencerminkan kepercayaan kerana mereka minum di sumber dan boleh menjadi saksi."

Siapakah saksi harapan yang dapat kita temui dan dengar dalam situasi kita sendiri? Mari kita buka telinga untuk mendengar apa yang mereka perlu berkata.

Berusaha mencari harapan

Bagaimana kita bertindak balas apabila rancangan kita gagal dan harapan kita terhempas? Yesus memberi kita kunci bagaimana kita boleh kekal sebagai orang yang mempunyai harapan.

Menghadapi sekumpulan besar orang yang kelaparan, dia "berbelas kasihan" kepada mereka, secara harfiah "hatinya bergerak" ⁹ kepada mereka. Dan dia menemui cara untuk memenuhi keperluan mereka.

Keengganan untuk menyerah diri kepada situasi kesusahan membolehkan harapan terbentuk dalam diri kita. Ia adalah bertentangan dengan menunggu secara pasif, ia melibatkan perjuangan¹⁰, tidak ada cara lain. Malah kerinduan kita untuk harapan boleh membawa kita melintasi ambang dari apa yang mungkin secara manusiawi kepada apa yang mungkin bagi Tuhan.

Harapan yang diberikan bersama Kristus memberi kita gambaran awal tentang apa yang akan terjadi dalam kepenuhan pada masa depan oleh Tuhan. Ia seperti sauh kapal.¹¹ Ia memegang kita teguh apabila ribut melanda. Ia membolehkan kita berhidup dengan tanda-tanda kecil kesetiaan kita kepada amanat yang telah kita terima dan kepada orang yang diamanahkan kepada kita. Ia juga seperti topi keledar¹², melindungi kita daripada kesusahan yang boleh menghujani kita.

The Rule of Taizé memaklumkan bahawa tidak sekali-kali menyerah diri kami "kepada skandal pemisahan antara orang Kristian, yang begitu mudah mengaku kasih sesama mereka tetapi tetap berpecah-belah". Bagi Saudara Roger, perpaduan orang Kristian¹³ bukanlah satu matlamat semata-mata, tetapi satu cara untuk menuju ke arah keamanan dalam keluarga manusia.¹⁴

Semak-semak boxwood yang tumbuh-di sekitar Taizé, walaupun dimusnahkan dua kali oleh parasit beberapa tahun lalu, tiba-tiba bangkit semula. Dari apa yang nampaknya mati, tangkai segar tumbuh apabila yang kelabu bertukar menjadi hijau. Alam semula ~~jadi~~ berjuang untuk terus hidup, mencerminkan dan menggalakkan perjuangan kita sendiri untuk berharap. Berharap untuk dunia¹⁵, dan harapan yang diperuntukan oleh ciptaan Tuhan yang baik, adalah selaras dengan harapan untuk umat manusia.¹⁶

Orang yang masih berharap

Harapan boleh dipadamkan dengan mudah apabila kita berhadapan dengan situasi di mana kemungkinan untuk saling memahami tidak wujud. Mewujudkan suasana syak wasangka berisiko menjerat orang lain dalam jaring ketidakpercayaan.

Ini boleh berlaku dalam komuniti, gereja dan keluarga kita, serta dalam masyarakat dan di negara kita. Dinamik sedemikian mungkin tersembunyi atau terbuka, tetapi ia sentiasa menlemahkan kekuatan kita. Namun ada kalanya, berhadapan dengan ketidakadilan, kita mesti mengecam kejahatan supaya orang tidak lagi menjadi mangsa orang lain.¹⁷

Untuk kekal dalam harapan, kita memerlukan satu sama lain. Harapan berkembang apabila kita prihatin terhadap keperluan orang lain. Kita boleh melihat orang yang walaupun di tengah-tengah kesukaran yang paling besar membuat pilihan untuk hidup, tersenyum dan menawarkan perkara kecil yang sebaik mungkin setiap hari.

Harapan dikaitkan dengan kebenaran¹⁸ dan keadilan. Adakah sifat-sifat ini merupakan sifat-sifat Tuhan? Adakah kita melihat sifat-sifat sebegini dalam hidup, mati dan Kebangkitan Yesus? Realiti sebagaimana yang adanya perlu dihadapi serta melihatnya dalam terang janji-janji Tuhan untuk memupuk harapan¹⁹.

Seorang anak muda yang tinggal di zon konflik memberitahu saya: “Saya berada di sebuah kafe membaca buku saya, apabila roket mula terbang mengelilingi kami. Orang ramai lari keluar, penuh emosi, tetapi saya memutuskan untuk tinggal dan menghabiskan bacaan saya.” Mencari tempat berteduh juga merupakan satu pilihan yang wajar, tetapi berkongsi cerita ini adalah bantahan-harapan menentang peperangan yang tidak boleh dihindarkan.

Salah seorang saudara memberitahu saya: “Harapan adalah provokatif, dan lebih daripada itu, ianya berjangkit. Bertentangan dengan harapan ialah sikap acuh tak acuh atau memaksa diri menerima situasi. Semasa lawatan ke negara saya baru-baru ini, yang dilanda peperangan, saya nampak muka orang sedih, risau dan tertekan. Jadi saya bertanya diri saya: ‘Apa yang boleh saya lakukan?’ Dan idea yang datang kepada saya: bila-bila masa saya memandu dan mempunyai hak jalan, saya akan berhenti dan memberi keutamaan kepada orang di hadapan saya. Ini akan memakan masa lima saat. Tetapi saya boleh lihat tindakan kecil ini membawa respon di muka orang ramai, meredakan sedikit kesakitan saudara atau saudari saya.

Segala-galanya dalam diri kita menentang peperangan dan kematian.... Segala-galanya dalam diri kita bercita-cita kepada kehidupan dan keindahan.”²⁰

Harapan Paskah

Di manakah saya pada masa ini? Di kaki Salib pada Kebaikan Jumaat? Dalam kegembiraan Ahad Paskah? Atau menunggu tanpa tahu di mana hendak menghala pada Sabtu Suci?

Bolehkah saya melihat jalan harapandimana sahaja saya berada? Ia dibuka di depan saya apabila saya melihat pada Yesus yang memberikan hidupnya dalam kasih untuk semua, Dia yang menunjukkan kepada kami cinta yang lebih kuat daripada semua kuasa keganasan, kebencian dan kematian.

Harapan tidak bergantung pada analisis keadaan tetapi lazimnya pada api kepercayaan yang berkelip-kelip. Walaupun mudah rapuh, api ini menyala pada malam yang paling gelap seperti yang berlaku kepada sahabat-sahabat Yesus. Ramai daripada mereka meninggalkan-Nya pada masa ujian terbesar-Nya. Cinta-Nya membolehkan mereka kembali.

Kalaulah kita dapat mengenali Yesus yang Bangkit! Tetapi kehadiran-Nya tidak bergantung kepada pengiktirafan kita. Keputusan kita kadang-kadang membutakan kita sebagaimana ia membutakan Maria Magdala. Yesus yang Bangkit bertanya Maria: "Mengapa kamu menangis?" dan "Siapakah yang anda cari?" (Yohanes 20:15). Soalan kedua ini mengulangi kata-kata pertamanya

Injil Yohanes "Apakah yang kamu cari?" (Yohanes 1:38). Setelah dia menyelami keamataan kesedihan dan kematian manusia, pencarian makna merupakan keinginan untuk suatu kehadiran²¹.

Dibangkitkan daripada kematian, berhidupan dalam Tuhan, Yesus menarik kita kepada-Nya.²² Yesus bertemu dengan kita dalam batin kami yang paling terpendam, sama ada dipenuhi dengan kesedihan atau kegembiraan. Yesus yang Bangkit membuka kepada kita hubungannya dengan Bapa-Nya dan perkongsiaan hubungan antara satu sama lain dalam Roh Kudus. Kita bukan lagi tawanan keputusan kita sendiri - kehidupan baru boleh terjadi.

Paulus menulis, "Harapan itu tidak akan mengecewakan kita, kerana Allah telah mencurahkan kasih-Nya ke dalam hati kita. Allah melakukan hal itu dengan perantraan Roh-Nya yang sudah dikurniakan-Nya kepada kita" (Roma 5:5). Marilah kita hidup dari cinta itu. Semoga Roh Kudus memimpin kita sentiasa!

Penziarah harapan, penziarah kedamaian

Iman pada Kebangkitan telah membolehkan ramai orang berpegang teguh pada harapan di tengah kesusahan. Ia adalah sumber yang membawa kita keluar dari ketidakmungkinan kita sendiri, sehingga membiarkan hati kita keluar ke arah orang lain dan bertindak.

Untuk percaya kepada Kebangkitan Yesus memerlukan banyak keberanian dan berani. Ia bermakna berusaha untuk tidak lumpuh dengan kematian dan kemusnahan yang ada di sekeliling kita hari ini.

Daripada situasi yang kelihatan tiada harapan, Tuhan boleh mencipta sesuatu yang baru. Tuhan boleh menghasilkan kehidupan daripada kematian dan juga pendamaian daripada konflik.

Para wanita, sahabat Yesus, yang datang pada awal pagi Paskah kepada kuburnya bertanya, "Siapakah yang akan menggulingkan batu penutup pintu kubur?" (Markus 16:3). Apakah batu dalam kehidupan kita yang kita mesti minta Tuhan alihkan supaya hidup baru lahir dalam diri kita?

Kehidupan baru itu membantu kita untuk bangkit berdiri, ia membawa kita ke perjalanan yang bersama dengan orang lain. Kita menjadi peziarah harapan yang kita bawa dalam diri kami. Bukankah itu juga harapan untuk keamanan? Kerana "Kristus adalah damai sejahtera kita" (Efesus 2:14). Adakah kita akan mendengar dia berkata kepada kita: "Damai-sejahtera Aku tinggalkan dengan kamu; Damai sejahtera-Ku sendiri yang Aku berikan kepadamu."²³ Damia Sejahtera yang Aku berikan kepada kamu bukan seperti yang diberikan oleh dunia. Janganlah kamu risau dan janganlah takut" (Yohanes 14:27-28).

Sebagai penziarah kedamaian²⁴, kami memahami bahawa tidak ada kedamaian sejati tanpa keadilan²⁵. Kedamaian yang kita bawa dalam diri kita, yang datang dari harapan kehidupan kita, menjadikan kita bebas di dalam batin. Ia membolehkan kita mencintai hidup dan menentang ketidakadilan, sambil kita tabah diurapi oleh Roh Kudus.

Suatu hari, kita mungkin mendapati diri kita berdoa lagu Zakaria. Seorang lelaki tua di tanah yang dijajah, dia bergembira atas kelahiran yang tidak dijangka dan meraikannya "Allah kita pengasih dan penyayang. Bagi menyelamatkan kita Dia akan datang bagaikan fajar terang yang menyinari semua orang yang hidup dalam kegelapan dan dibawah bayang maut. Dia akan memimpin kita ke jalan yang menuju kedamaian" (Lukas 1:78-79).

Adakah kita bersedia untuk berharap melebihi segala harapan?

Kristus yang bangkit, dengan kehadiran Roh Kudus, anda telah mencurahkan kasih Tuhan ke dalam hati kami dan anda membolehkan kami berharap melebihi segala harapan. Dan dari dalam diri kita, sedikit demi sedikit, keamanan yang menakjubkan muncul.

Segala puji bagiMu!

